

廣
圖


人

廣
國
通
出
輯
爽

炎緒已丑

支刃開耀

省城圖



安定門

山鞍馬

鷓鴣

西門

鐘

孔明墓

積寶山

司察按

金鼎

桂林書院

鳳皇街

武廟

文廟

府學

流恩書院

榕樹

史卷

火神廟

上十字街

教養

居後善

然而

街南後

卷東

天竺坊

街門東

福堂街

水

遺德樓

東

東

東

東

東

東

東

東

東

東

廣西省諸江圖

湖南表 湘江源出興安海陽山至分水塘北流由陡
 陵縣界 河海陽堤經全州出楚

離江源出興安海陽山至分水
 塘東南流由東陡經靈川桂林
 平樂梧州入海

廣東封川縣界

通省一



湖南新靈縣界

融江源清
 水江經貴州
 和平府下懷
 遠融縣至柳
 城合龍江入柳

東西源出獅子岩至分水塘一東流
 出相思江合離江為東陡一西流下
 離魚陡經永福至柳州
 為西陡

界州古州

龍江源出貴州
都勻府自獨山
州流入慶遠府
至柳城合融縣江
入柳州象州武宣
潯梧入海

貴州界



紅水江自雲南陸涼州來入西隆州經泗城府那地東蘭都陽峯
忻城遷江至來賓都泥江合柳江歷武宣潯梧入海

祥河江自雲南去富州入雷州經秦議士林果化陸
至合江鎮翼龍江合

龍江發源於交趾由上下凍土司至龍
土司出江口合明江出入太平府至合江鎮
合祥河水經南寧潯梧入海

交趾水發源
於交南十萬
山由遷隆思
明宣明血龍
江合



通省三

交趾界

序

嘗攷粵西疆域之始上古遐荒莫得考已其見於經籍者南交紀於虞書北戶詳於爾雅在禹貢爲荊州之域在戰國爲楚越之交在秦時爲桂林郡厥後建置不一而載籍粲然可稽陳祭酒父子起蒼梧治春秋請立左氏學文章爛然風節清亮大江以南治經學者莫之或先粵西雖僻在嶺嶠而聲明文物早通於上國自唐以後述山川之勝者如昌黎謂湘南江山勝於騷鸞仙去柳州謂桂州多靈山發地峭豎林立四野范石湖謂山水之勝甲於天下是扶輿之所

鍾毓靈奇之所鬱蟠神仙之所窟穴騷逸之所題詠
又足雄峙於海內而非一山一水之稱名勝者所能
及也顧其地號稱難治何歟蓋粵西控滇黔負湘楚
蟠際嶺海襟腋交趾獠獯雜處崙砦糾紛爲戍卒流
人之所萃爲蠻煙瘴雨之所侵如馬新息之討徵側
狄武襄之平儂氏韓襄毅之擣藤峽王文成之征八
排田州岑猛衆至十萬合楚粵數省之師乃克底定
雖磨崖勒石盛稱勳伐而獷悍之習兵革之災不稍
衰息自漢宋迄有明其難治固若此矣洎我

聖清定鼎而後勝國餘燼負固自守

大兵屢進始能殲平吳耿逆命蹂躪南土傳將軍一呼響
應手除大難然終爲所害其後孔温僖捕柳州之獍
鄂文端征西隆之蠻雖際

國家全盛之時而平滇蜀定越南裹糧踰險師行絡繹其
闡承平無事者僅百餘年而金田一役小醜跳梁蔓
延幾徧宇內稽

天討者十餘年流賊殄滅版宇奠安乃不數年而法越又
交鬪矣西南絕徼有事洋防至於今未得安枕焉其
邊關之阨塞士卒之征戍幾若無日而不籌維恐後
焉是豈他省所得同日而語哉其難治又何如也丁

亥冬 兼成奉

命來撫是邦時當諒山告捷之後越界未定之際龍州通
商之始連年兵燹元氣未復繼以沈災十室九空豕
突鴟張間歲竊發糜餉百萬府庫告匱日惟兢兢焉
惴惴焉詢於僚案訪於父老謀所以安堵而教養之
不敢縱逸以廢事不敢酷陋以誤機不爲君子慙直
之所素不爲宵小側媚之所愚稔年以來幸賴

朝廷威福歲時稔熟疆圉無事稍紓

聖天子南顧之憂然地瘠民貧當思所以撫綏士曠人稀
當思所以生聚稅繁釐重當思所以緩輕師勞餉絀

當思所以裁節又况邊陲之防戍誠邪之浸淫伏莽
之蠕蠢日驚惕於心目之間而不容一息稍懈其難
治亦未有如今日者也馬玉山方伯丕瑤以蘇文庵

學博

宗經

所纂廣西通志輯要請付梨棗見其綱舉

目張條分縷晰悉本謝蘊山中丞之舊義取簡約亦

稱善本惟思道咸以來羣盜如毛時事遷改而殉難
諸君大節凜如日月均不可任其淪佚因囑羊敦叔
太守復禮增補其闕並搜輯劉武慎公蘇虞階張月

卿兩中丞所纂昭忠錄平桂紀畧等書排纂成帙附
刊於後以備侘日文獻之徵俾續修志乘者得所攷

訂亦以見枕戈嘗膽創鉅痛深不可無書以紀錄也

刻將竣 秉成奉

恩命調皖行有日矣因將平日所欲言者著於簡端以諗

來者亦欲使知其難而圖其易也豈僅侈遊覽云爾

哉是為序時光緒十五年歲次己丑六月撫粵使者

歸安沈秉成謹序

序

粵之有志自宋李上交撰廣西郡國圖志始粵之有
通志則自明周孟中撰廣西通志始自是或修或輯
代有傳人逮我

朝繼

起修通志者凡四家曰郝公浴李公紱金公鉉謝公
啟昆郝李金志今皆不傳傳者謝志耳謝志斷制謹
嚴今 總制南皮張公會登之所著書日後有作者
瞠乎莫及已願卷帙繁重讀者苦難卒業不瑤奉

朝命

承宣是邦公餘輒往復披閱欲輯一簡明本以便參
攷而卒卒未暇今年秋兒子吉樟郵寄鬱林蘇學博

宗經通志輯要一書學博哲嗣器之農部與不瑤爲
同年友故出是書以公諸世是書爲卷十有三爲圖
百三十有一爲目十有五首分野次沿革次疆域山
川城池次職官學校賦稅次宦蹟謫宦人物流寓勝
蹟關隘祠廟而兵制水利藝文金石闕焉去取一本
謝志而體例變之卷帙約之簡而能賅洵稱善本因
呈之 中丞歸安沈公裁定而命賴孝廉鶴年林孝
廉福徵增輯所闕四條散入編中付之剞劂不瑤惟
省之有志所以信今而傳後也粵省自謝志修輯以
來垂七八十年軍興以來又二三十年其間政治之

廢興郡邑之沿革風俗民情之同異與夫一方之治而亂亂而治武臣循吏魁人傑士義夫烈婦之後先相望莫不有闕紀載以待來茲而金田一役至以跳梁小醜蔓延半天下勞師費餉上稽

天討者且十餘年則粵志之待修不綦重耶是書前後所輯雖於

國計民生諸大端未敢遽云美備然讀疆域一冊則思所以守禦讀城池一冊則思所以修鑿讀山川一冊則思所以滋培讀賦稅一冊則思所以開節讀學校兵制一冊則思所以修明而訓練讀宦蹟人物一冊則